



MALTA - 01 MAJ



28.04. - 02.05.2023.

5 dana / 4 noći

Malta je destinacija je okupana suncem cijele godine. Ovo otočje nalazi se gotovo u središtu Mediterana, 93 km južno od Sicilije i 288 km sjeverno od Afrike. Sa 7000 godina historije, Malteški otoci i Valletta izvrstan su primjer urbanističkog planiranja, koji je zbog svoje jedinstvenosti uvršten na listu svjetske baštine UNESCO-a. Kamo god krenuli, očekuju vas jedinstvene historijske znamenitosti. Hramovi, palače, katedrale i utvrde pružaju uvid u živopisnu historiju koju gotovo da možete osjetiti. Historija Malte duga je i bogata, a seže do osvita civilizacije. Na putu ćete naići na misteriozne prahistorijske lokalitete, srednjovjekovne kapele i osamljene palače vitezova. Oduševit će vas jedinstveni prahistorijski hramovi, neke od najstarijih kamenih građevina na svijetu, rimske katakombe, srednjovjekovni gradovi i izvanredna arhitektonska i umjetnička ostavština vitezova sv. Ivana (Malteški vitezovi). Malteški otoci pružaju uzbudljive kombinacije prizora: mediteransko plavetnilo, vapnenačku arhitekturu boje meda i čisto nebo. Gotovo se možete zaljubiti u svaku usku ulicu čarobne Vallete. Malta je apsolutno nezaobilazno odredište za one koji vole kombinovati fascinantnu antičku historiju s arhitekturom i prekrasnom prirodom.

1. dan: LET ZA MALTU

Sastanak na sarajevskom aerodromu 2 sata prije leta. Charter let za Maltu. Nakon dolaska slijedi transfer i smještaj u hotel. Noćenje.

2. dan: VALLETTA (poludnevi izlet) - uključen izlet

Doručak. Odlazimo autobusom na poludnevni izlet u Vallettu. Tokom vođenog razgleda kroz živahne ulice Vallette otkrit ćete ljepotu i šarm ovog grada-utvrde kojeg su utemeljili vitezovi 1566. godine. Viteški red sv. Ivana upravljao je otocima 268 godina, a Valleta je najbolji primjer njihove jedinstvene kulturne ostavštine. Najprije ćemo uživati u fascinantom pogledu na prirodnu luku Grand harbour koji se pruža iz vrtova Barracca. Nakon toga posjetit ćemo Katedralu sv. Ivana, razgledati Caravaggiove majstorske freske u Oratoriju, flamanske tapiserije i crkveni muzej. U katedrali se nalazi i jedan od najljepših mramornih podova na svijetu. Nastavljamo ulicom Republike i prolazimo pored Palače velikog meštra. Slobodno vrijeme za ručak (nije uključen) ili kupovinu. Poslijepodne nastavljamo autobusom u panoramski razgled zidina starog grada Vallete, a u povratku prema hotelu prolazimo promenadama Ta Xbiex i Sliema. Povratak u hotel sa autobusom ili individualno javnim prijevozom. Noćenje.

**3. dan: Gozo (cijeli dan) - fakultativno**

Doručak. Danas nam se možete pridružiti na cjelodnevnom fakultativnom izletu na otok Gozo. Kratkom plovidbom od oko 20 minuta trajektom stižemo do luke Mgarr, gdje ćete odmah osjetiti jedinstveno ozračje ovog otoka. Najprije odlazimo do megalitskog hrama Ggantija, jedne od najstarijih građevina na svijetu uvrštene na UNESCO listu svjetske baštine, starije čak i od egipatskih piramida ili čuvenog Stonehenga. Zatim slijedi posjeta srednjovjekovnom kaštelu u Victoriji te zaljevima nalik na fjordove u Xlendi i Dwejri. Gozo je poznat i po svojim zanatima, naročito ručno izrađenoj čipki i pletenim odjevnim predmetima. Posjetitelji otoka bit će impresionirani bujnim zelenilom otoka, njegovim mirnim ozračjem i razlikama u odnosu na veću Maltu.

4. dan: Tura Blue Grotto i Marsaxlokk (poludnevni) - fakultativno

Doručak. Predlažemo poludnevni fakultativni izlet do južnog dijela Malte gdje se smjestilo ribarsko mjesto Marsaxlokk. Šetnja slikovitim gradićem, njegovom promenadom uz more gdje se mogu vidjeti brojni tradicionalni ribarski Luzzu brodići živopisnih boja. Slijedi vožnja do obližnjeg kompleksa Blue Grotto koji se sastoji od čak sedam spilja. Moguća vožnja brodićem kroz tirkizno plavu spilju, ukoliko vremenske prilike dozvoljavaju. Povratak u hotel. Slobodno vrijeme. Noćenje.

5. dan: Tura Tri grada (poludnevni izlet) - uključen izlet

Doručak. Rani check out. Današnji izlet vodi nas na područje Grand Harbour koje se nalazi nasuprot Valletti, a poznato je po nazivu Tri grada - Vittoriosa, Cospicua i Senglea, gdje su se vitezovi sv. Ivana prvi put naselili 1530. godine. Vožnjom uz Cospicua stižemo do Vittoriosa gdje ćemo prošetati kroz uske ulice u sjeni historijskih zgrada i vidjeti prve utvrde raznih viteških redova. Iz vrta Senglea, smještenog na vrhu poluotoka, uživajte u zadivljujućem pogledu od 360 stepeni na Grand Harbor, uključujući i impresivan Fort Sant Angelo, odakle je Grand Master La Vallette vodio obranu otoka tokom Velike opsade 1565. Transfer na aerodrom.

Aranžman uključuje:

- Avio kartu na charter letu SARAJEVO - MALTA- SARAJEVO
- Aerodromske takse
- Prtljagu do 23 kg i 10 kg ručne prtljage
- 4 noćenje sa doručkom u hotelu (sobe su sa balkonom)
- Povratni bus transfer aerodrom - hotel- aerodrom na Malti
- Organizaciju putovanja i Predstavnik agencije
- Poludnevni izleti Valeta i Tura tri grada u pratnji lokalnog vodica

Aranžman ne uključuje:

- Ručkove i večere
- Ulaznice za muzeje
- Fakultativni izlet Gozo i Blue Grotto & Marsaxlokk - fakultativno.
- PZO
- Eko taksa u hotelu 1 KM po osobi/dan

Doplate i popusti u hotelu Maritim Antonine

Doplata za jednokrevetnu sobu 280,- KM

Popust za dijete 0-1,99 gratis, 2-11,99 popust 230,- KM

Popust za treću osobu 70,00 KM

Četvorokrevetni apartmani na upit

Hotel Maritim Antonine Spa ** Meliha Bey Cijena aranžmana po osobi.....1.199,-KM**

First minute do 01.03.!!!

Cijena aranžmana je po osobi u dvokrevetnoj sobi

MINIMUM ZA REALIZACIJU 150 PUTNIKA



*Doplata za hotel Golden Tulip Vivaldi 160 KM po osobi

Fakultativni izleti

1. **Gozo (cjelodnevni izlet)** uključeno: vodič, bus transfer, trajekt, ulaznica za Megal. Temple 65 eur po osobi
2. **Blue Grotto & Marsaxlokk (poludnevni izlet)** uključeno: vodič, bus transfer, vožnja brodom 40 eur po osobi

(min za realizaciju izleta 35 pax po autobusu)

*Prijava i uplata fakultativnih izleta se vrši prilikom rezervacije aranžmana.

Malta putovanje - opšte informacije:

SLUŽBENO IME: Republika Malta

DRŽAVNO UREĐENJE: parlamentarna republika

GLAVNI GRAD: Valletta, oko 6.444 stanovnika

JEZIK: malteški, engleski (službeni)

RELIGIJA: katolici 88.6%, nereligiozni 4.5%, muslimani 2.6%, Jehovini svjedoci 0.4% (2016)

VREMENSKA RAZLIKA: BIH 12:00 = Malta 12:00

NOVAC: EUR (euro); 1 EUR = 100 centi

BROJ STANOVNIKA: oko 460.297 (po popisu stanovništva iz 2017. god)

POVRŠINA: 316 km²

GEOGRAFSKI POLOŽAJ: Republika Malta otočna je država u Sredozemnom moru. Sastoji se od nekoliko otoka i otočića, od kojih su tri naseljena. Najveći otok je Malta na kojem živi najveći dio stanovništva zemlje. Malteško otočje nalazi se nedaleko od Sicilije (Italija), te manje od 300 km od obale Afrike.

KLIMA: Klima je sredozemna; srednja godišnja temperatura iznosi 20 °C, januarska 13 °C, a julska 27 °C. Godišnja je količina padavina oko 600 mm; kišni je maksimum zimi. Zbog vapnenačke podloge i ljetne suše znatan je dio otoka pust i bez biljnog pokriva.

ELEKTRIČNI NAPON: 230 V

DOKUMENTI POTREBNI ZA PUTOVANJE: Za ulazak u Republiku Maltu potrebna je važeća putna isprava koja mora vrijediti najmanje 3 mjeseca nakon ulaska.

ZDRAVSTVO: Vakcinacija nije obavezna. Preporučujemo da se prije putovanja detaljnije informirate na web stranicama Svjetske zdravstvene organizacije (WHO, www.who.int)

TELEFONIRANJE: Pozivni broj zemlje je +356. Mobilne telefonske veze su dobre. Molimo da za detalje kontaktirate vašeg mobilnog operatera.

KREDITNE KARTICE: Većina kreditnih kartica prihvaćene su u svim bankama, te u većini hotela, restorana i trgovina (MasterCard, Visa), dok je Amex prihvaćen malo rjeđe. Većinom se na ulazu svake trgovine nalaze simboli kreditnih kartica koje pojedina trgovina prihvaća kao sredstvo plaćanja.

NAPOJNICE: Nisu obvezne, ali je običaj ostaviti 10% od ukupnog iznosa računa u restoranu ili taxiju, ako ste bili zadovoljni uslugom.

Malta putovanje - preporučujemo:

HRANA I PIĆE: Malteška kuhinja odražava maltešku historiju. Pokazuje snažne talijanske, engleske, španjolske i francuske utjecaje u svojoj kuhinji. Uvoz većine prehrambenih proizvoda, pozicioniranje duž važnih trgovačkih puteva, kao i snabdijevanje stranih sila koje su vladale otocima, otvorilo je maltešku kuhinju vanjskim utjecajima. Tradicionalni malteški zec - fenek, se smatra nacionalnim jelom. Uz jela od svinjetine (kao što su svinjski narezak na roštilju ili punjeni bok) i prevlast svinjskog mesa u autohtonim malteškim kobasicama, dodano je malo svinjetine jelima kao što su kawłata (juha od povrća) i ros il-forn (pečena riža). Unatoč maloj veličini Malte postoji nekoliko regionalnih specijaliteta. To je naročito slučaj s otokom Gozo. O tome svjedoče neka imena kao što su gozitanski sirevi (tbejna t'Għawdex) i ftira Għawdxija, palačinke punjene krompirom, gbejinets jajima, naribanim sirom, rajčicama, incunima, maslinama, rikotom i malteškom kobasicom.

KUPOVINA: Popularni suveniri su nakit, puhano staklo, slastice, razne minijature, memorabilija, vino, Kinnie - malteško bezalkoholno piće, Ćisk - autohtono malteško pivo. Veliki broj objekata posluje od 8 do 20 radnih danom, od 9 do 17 subotom, dok samo neki rade nedjeljom.

SEF: Molimo da spremite novac, dokumente i druge vrijednosti u hotelski ili sobni sef, organizator putovanja niti hotel ne preuzima odgovornost za ukradene stvari.

Vaze uslovi Kompas - Sarajevo d.o.o. <https://www.kompas.ba/opci-uvjeti-putovanja.pdf>